

西南史地文獻

第十一卷

中國西南文獻叢書·二編

中國西南文獻叢書編輯委員會

中國西南文獻叢書二編·第三輯

西南史地文獻

第十一卷

甘肅省古籍文獻整理編譯中心
中國西南文獻叢書編輯委員會 編

本輯主編：周
斌

本卷目錄

平定貴州苗匪紀略 四
〔清〕劉長佑 岑毓英纂
……………
〇〇三

本卷目錄

平定貴州苗匪紀略 四
〔清〕劉長佑 岑毓英纂 …………… 〇〇三

【清】劉長佑 岑毓英纂

平定貴州苗匪紀略

四

〔清〕劉長佑、岑毓英纂，清光緒二十二年內府鉛印本，半葉七行，行二十字，四周雙邊。

劉長佑（公元一八一八至一八八七年）字子默，湖南新寧人，道光二十九年（公元一八四九年）拔貢，有《劉武慎公遺書》行世。岑毓英（公元一八二九至一八八九）字顏卿，廣西西林人，秀才出身，有《岑襄勤公遺集》傳世。

此書係詳細記載清咸豐（公元一八五一至一八六一年）年間鎮壓貴州苗民起義的官撰史書。

欽定平定貴州苗匪紀略卷三十一 辛未年

四月初七日

丙寅

劉崑奏言高坡苗寨峙立台拱

東偏與雞擺尾橫梗清江丹古之交附高坡者
有南工交工等大小百寨附雞擺尾者有烏溜
烏交溝等數十寨地勢深險張潘各酋率餘黨
歸之而九股河深處尙餘南瓦台盤兩寨先應
剗削十二月十五日席寶田派令提督唐本有

道員謝蘭階等會合提督蘇元章等軍由甕岡
進勦南瓦賊憑卡抵禦各勇毀柵而登賊驚潰
沿河狂走我軍左右蹙之中礮落水者無數謝
蘭階等分隊踏破周家號排朗斬董等寨屯軍
南瓦是夜令唐占寅選敢死士襲台盤二更抵
寨先伏二百人截其竄逸之路然後殺入賊倉
皇分竄伏兵起擊之殲斬殆盡立燬其寨並焚

巫瓦前後斃賊千人台盤旣克九股河賊寨悉
盡席寶田飭唐本有等回軍議取高坡雞擺尾
探知凱會金大五與甕谷隴積逆圖犯鎮遠卽
飭彭芝亮等營扼勦分途設伏正月初七日金
逆率死黨六七千人撲近城下各軍三路並進
斬賊百數十名賊屹立不退伏兵齊起前後夾
擊賊方敗遁追至文德關黃仁遺及謝蘭階等

軍亦至併力截殺賊屍滿谷餘賊由沙家壩繞道回巢黃仁遺乘勝襲破馬蟹招撫降苗卿萬麟等彭芝亮亦將蝦蟆塘黑沖上下甘莊茅粟平香風等寨次第焚盡時高坡之烏裸寨屢擾降苗蘇元章派隊克之張臭迷復聚黨千餘築塹台雄廢寨旋至台拱對山蘇元章擊走之二十三日謝蘭階唐本有等率隊由施洞口至台

拱以圖高坡是夜襲破台雄壘卡二十六日破
交向總兵黃元果等分取斬熙翁細交隴巫降
等寨皆圍而殲之副將邵得勝勦汪江唐本有
取交眉遊擊毛樹勳攻祭刀市登所至克捷我
軍乘勝逐北沿途復破篩過巫迷南中斬郎頗
壘等寨一時南工交亥芒歹道烏亥烏界大田
角震工松甘松衣養高交赧斬耶東黨撐台數

三
三
十寨皆震懼乞撫謝蘭階周厯撫定高坡悉平
二月初一日拔隊轉番招定計出雞擺尾初二
日先取烏溜其寨高據山巔環以卡柵列礮爲
守我軍攻之頗有傷亡唐本有揮衆冒死砍柵
入卡賊猶巷戰毛樹勳一軍踰嶺馳至合力衝
殺賊無脫者謝蘭階等乘勝擣雞擺尾一鼓而
下賊屍山積墜巖死者無算附近之烏交溝雞

風黨日撈松庫養沙黨東台拉東都向耶東庫
等寨皆詣營款附雞擺尾一帶亦平南香廢寨
復聚殘苗千餘築壘圖抗我師蘇元章等薄其
西戈鑑抄其東縱橫斬殺南香逆首撈銷九報
開也翁引也翁李皆就戮其黨殲除略盡金大
五張臭迷復糾其悍黨及各路殘苗分犯排生
台拱營壘周家良蘇元章分途擊走之黃仁遺

等亦潛師襲破臘望新寨逆酋包大肚憤甚率黨潛至新城之乾田壩夜圍鄧善燮營壘總兵鄧善企等開壘猛擊賊解圍走我軍躡之賊復回戰鄧善企激厲將士奮勇衝突賊大創而遁鄧善企遣副將鄧善居攻大坪並約彭芝亮分兵夾擊克其小寨二月初三日樓梯坪苗民密報逆首僞副王雷豹狗議犯我軍彭芝亮設伏

待之次日黎明雷豹狗率衆數百由苗隴而至
入伏兵起逆黨驚退我軍開礮環擊雷豹狗中
礮死餘賊聚殲彭芝亮分隊移紮苗隴築壘未
就甕谷隴逆酋雷金增糾九大白之弟九大五
率黨千餘來撲我軍奮力盪決礮斃九大五於
陣賊退入甕谷隴越日雷逆復糾金大五來撲
我營彭芝亮又擊走之時黃仁遺飭隊橫出雞